



UNIVERSITÄTS-
BIBLIOTHEK
PADERBORN

Universitätsbibliothek Paderborn

Stimvlvs Compvnctionis, Et Soliloqvia

Juan <de Jesús María>

Coloniae, 1611

De pace Dei, quæ per peccatum amittitur. Cap. 5.

urn:nbn:de:hbz:466:1-45624

De pace Dei, quæ per peccatum amittitur.

C A P. V.

Ego Rex Pacificus, qui magnificatus sum super omnes reges vniuersæ terræ, participes facio amicos meos pacis, quæ superat omnem sensum. Quando enim homo existit in statu gratiæ, ego habito in eo, tanquam in thalamo nuptiali, ubi omnia pacifica sunt: & gustatur ibi pax dulcissima filiorum Dei, auditurque concentus suauissimus partium hominis conspirantium in unam consonantiam legis meæ: quam bene sensit ille qui dixit: Deus canticum nouum cantabo tibi, in psalterio dechachordo psallam tibi. Hęc pax est auro pretiosior, & omnibus mundi honoribus, diuitijs, & consolationibus amabilior: quam si filij huius sæculi gustarent, citò despicerent omnes amores terrenos, & suspirarent ad me. Tu ergo, fili, considera quid feceris, quando recessisti à me, noluisti pacem meam, & elongata est à te, & surrexerunt aduersus animam tuam innumerabiles hostes, qui nō dormiunt, & te requiescere non sunt. Existimasti te habiturum, & possessurum pacem, si satis faceres appetitui, & desiderijs

rijs vanis eius , viuens more Gentilium,
qui non cognouerunt me: & tamen nihil
pacis inuenisti, sed sollicitudines, & anxi-
tates, stimulos conscientiæ, horrores, &
timores iudicij mei, sicut Cain, qui, egressus
à facie mea, timuit , ne omnis qui in-
ueniret illum, interficeret eum. Contigit
tibi, fili; quod olim accidit populo Israël,
qui non bene vsus fuit habitatione Ieru-
salem ciuitatis meæ: migravit enim Iudas,
propter afflictionem , & multitudinem
scrututis, quam peccando incurrit: habi-
tauit inter gentes, nec inuenit requiem. O
quam grauiter errat peccator, qui pacem
filiorum Dei à se proïicit , & implicat se
in infinitis quæstionibus! O quam infelici-
ter viuit impius, qui fugit nemine perse-
quentे , portans secum damnationem
mortis , quam operatus est ! Visquequò
clamabo, & inuitabo te , Fili ingrate, ad
conuiuium deliciarum mearum, vbi paci-
ficabuntur interiora tua , & lætabuntur
confortio pacis, & amoris mei? Conuer-
tere iam, fili in requiem tuam , quam per
dolores mortis, comparaui tibi, & placeat
tibi , habere mecum cor vnum, & anima
vnam. Faciamus hodie pactum concor-
diæ fidelissime, quæ non habeat finem.
Ego parco tibi, dulcissime amice , neque
recorda-

recordabor culparum, quibus offendisti
me: præbe mihi cor tuū, vt in eam us fœ-
dus amicitiae in sanguine meo, quem fu-
di pro te. Rumpe iam vincula colli tui, ca-
ptiue fili, & respira ad libertatem meam;
nam quod attinet ad me, ego ero fidelis-
simus adiutor in opportunitatibus, in tri-
bulatione, & egestate tua. Ego scripsi te
in medio corde meo, neq; vnquā obliui-
scar tui. Tantūmodo, peto, vt reuertaris
ad me, & in posterū bene utaris suauissi-
ma cōuersatione mea: & faciā vt oriatur
in te iustitia & abundātia pacis, quæ per-
manebit cū Sole, & vltra Lunam. Ecce la-
tus meum apertum, & manus clavis per-
foratas; iunge latus cordis tui lateri meo,
manusque tuas manibus meis, & conuer-
tere tandem ad pretiosissimam pacē Re-
demptoris, & Amici tui.

*De tutela Dei, à qua homo peccando re-
cedit.*

CAP. VI.

EGo custos hominum curam gero ser-
uorum meorum, quasi nutritrix soueat
infantulum suum: non enim dormitabit,
neque dormiet, qui custodit Israel. Custo-
dio ego amicos meos, vt charissimam pu-
pillam oculi, neque patior virgina pecca-
torum super sortem, sive hæreditatiē iu-
storum.